

Ugovorne strane:

Ministarstvo unutrašnjih poslova Kantona Sarajevo, ulica La Benevolencije broj 16, koje zastupa ministar, Admir Katica, (u daljem tekstu: Ugovorni organ) i

R&S d.o.o. Sarajevo, ulica Igmanska bb, Vogošća, ID broj 4200056290005 koje zastupa direktor, Kemal Selmanagić, (daljem tekstu: Dobavljač) zaključili su:

UGOVOR

o nabavci namještaja za potrebe Ministarstva unutrašnjih poslova Kantona (LOT 1)

PREDMET UGOVORA

Član 1.

Predmet ovog Ugovora je nabavka namještaja za potrebe Ministarstva unutrašnjih poslova Kantona (LOT 1)

Nabavka je izvršena putem konkurentskog zahtjeva za dostavu ponuda na osnovu Odluke broj 01-11-4-6016 od 23.11.2023. godine i Obavještenja o nabavci broj 1364-7-1-65-3-77/23 od 05.12.2023. godine.

Ugovor se zaključuje u skladu sa uslovima iz tenderske dokumentacije i ponudom Dobavljača broj 1001/23 od 15.12.2023. godine koja čini sastavni dio ugovora.

CIJENA

Član 2.

Cijena za robe iz člana 1. ovog Ugovora iznosi 5.115,00 KM bez PDV-a za LOT 1 (pethiljadastotinupetnaest i 00/100 KM)

Ugovorena cijena uključuje i sve zavisne troškove.

NAČIN PLAĆANJA

Član 3.

Ugovorni organ će Dobavljaču izvršiti plaćanje ugovorene vrijednosti iz člana 2. ovog Ugovora u roku od 30 dana od dana isporuke i dostavljanja fakture.

Dobavljač se obavezuje na nepromjenjivost ponuđenih cijena tokom cijelog ugovorenog perioda i da će pod istim uslovima u periodu trajanja ovog ugovora izvršiti isporuku roba iz člana 1. ovog Ugovora, za potrebe Ministarstva unutrašnjih poslova Kantona Sarajevo.

ROK IZVRŠENJA UGOVORA

Član 4.

Dobavljač se obavezuje da će ugovorenu robu isporučiti u roku od 45 dana od obostranog potpisivanja ugovora.

Sve troškove isporuke do primopredaje, kao i troškove reklamacije snosi Dobavljač. Isporuka će biti izvršena, na adresi Kupca.

U slučaju osnovanih primjedbi na ispunjenje ugovorenih obaveza, Dobavljač je dužan da o svom trošku sve uočene nedostatke otkloni u što kraćem roku.

Član 5.

Po izvršenju isporuke Otpremnicu potpisuje i ovlaštena osoba Kupca, zadužena za prijem robe. Ukoliko lice zaduženo za prijem robe konstatuje određene nedostatke, sačiniti će zapisnik o reklamaciji, koji Ugovorni organ dostavlja Dobavljaču.

Sve primjedbe na izvršenu isporuku će biti konstatovane u zapisniku.

Član 6.

Dobavljač se obavezuje priznati reklamaciju, koja će biti praćena zapisnikom o reklamaciji, uz obavezno navođenje nedostataka isporučene opreme i datuma i broja računa (Otpremnice) Dobavljača kako bi se zadovoljili uslovi reklamacijskog roka.

U slučaju osnovanih primjedbi na ispunjenje ugovorenih obaveza Dobavljača, konstatovanih u zapisniku o reklamaciji, Dobavljač je dužan da o svom trošku učini sve da te nedostatke otkloni u što kraćem roku, koji će mu u zapisniku odrediti Ugovorni organ.

Roba će se smatrati uredno isporučenom tek kada u zapisniku o primopredaji bude konstatovano da nije bilo primjedbi.

GARANTNI ROK

Član 7.

Dobavljač daje garanciju na isporučenu robu od 24 mjeseca od dana isporuke.

ODGOVORNOST I VIŠA SILA

Član 8.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u ugovoru i koji nisu mogli biti spriječeni od strane pogođene višom silom. Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Strana u ugovoru pogođena višom silom odmah će u pisanoj formi obaavijestiti drugu stranu o nastanku nepredviđenih okolnosti odgovarajuće dokaze. Dobavljač se obavezuje da će isporuku vršiti u skladu sa zahtjevom Ugovornog organa i da će odmah postupiti po eventualnim primjedbama Ugovorni organ u pogledu nedostataka na ime kvaliteta izvršene isporuke.

Ugovorni organ je dužan dostaviti pismeno obavještenje o svakom propustu Dobavljača.

Ugovorni organ će utvrditi razuman rok za ispravak propusta Dobavljača u smislu izvršene isporuke.

Član 9.

Dobavljač nema pravo da zapošljava, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje 6 mjeseci po zaključenju ugovora, odnosno od početka realizacije ugovora.

Član 10.

Ugovorne strane su se sporazumjele da će sve eventualne nejasnoće nastale u toku realizacije ugovora rješavati sporazumno.

U slučaju nemogućnosti sporazumnog rješavanja eventualnih sporova konačno rješenje će donositi nadležni sud u BiH.

Član 11.

Ugovor stupa na snagu danom potpisivanja obje ugovorne strane i traje do obostrane realizacije.

Član 12.

Ovaj ugovor sačinjen je u 4 (četiri) istovjetna primjeraka, od kojih po 2 (dva) primjerka zadržava svaka od ugovornih strana.

DOBAVLJAČ
R&S d.o.o. Sarajevo

direktor, Kemal Selmanagić

Broj: 012/24

Datum: 18.01.2024

